
***Praktični vodič za
podnosiocce zahtjeva -
aplikante***

Program sufinansiranja
zapošljavanja

„PRILIKA ZA SVE“



*Javni poziv za učešće u Programu sufinansiranja zapošljavanja
„Prilika za sve“ otvoren je od 09. do 24.08.2012. godine*

*Program provode Federalni zavod za zapošljavanje i kantonalne
službe za zapošljavanje*

ZAŠTO ELEKTRONSKA PRIJAVA?

Kako bi prijavljivanje za učešće u **Programu sufinansiranja zapošljavanja „Prilika za sve“** (Program) poslovnim subjektima učinili što jednostavnijim, odlučili smo se na novi način podnošenja zahtjeva – aplikativnog formulara.

PREDNOSTI ELEKTRONSKE PRIJAVE

- Jednostavno saznajte uvjete za dobijanje poticajnih sredstava za zapošljavanje.
- Brzo i efikasno izračunajte koliko sredstva možete dobiti za zapošljavanje nezaposlene osobe.
- Ne prikupljate dokumentaciju potrebnu za zaključivanje ugovora sa kantonalnom službom, Zavodom i nezaposlenom osobom prije nego saznate da li Vam je odobreno učešće u Programu.
- U roku od osam (8) dana po završetku Javnog poziva, a nakon provjere vjerodostojnosti dostavljenih podataka, na web stranici Zavoda biće objavljena preliminarna rang lista podnosioca elektronske prijave/ aplikativnog formulara.
- Omogućeno je transparentno učešće poslodavaca.
- Preliminarna rang lista podnosioca zahtjeva / aplikanata se formira automatski, što eliminira subjektivnost ocjenjivača.

POSEBNE NAPOMENE

- Prijava koja sadrži nepravilnosti i netačne podatke neće biti uzeta u razmatranje.
- Potrebno je da upišete broj osoba koji odražava Vaš realni plan i procjenu zapošljavanja.
- Ako je prijava nepravilna, ili su podaci netačni ili je došlo do kašnjenja u dostavljanju dokumentacije, prvi sljedeći poslodavac sa liste zauzima Vaše mjesto i Vi nemate mogućnost daljeg učešća u ovom Programu.

- Poslodavac donosi odluku koje nezaposlene osobe želi zaposliti, a odabir obavlja samostalno ili uz posredovanje službe za zapošljavanje.
- Ugovore o radu sa nezaposlenom osobom poslodavac ne smije potpisati dok ne dobije sva odobrenja i nepotpisane ugovore o sufinansiranju sa kantonalnom službom i Zavodom, nakon čega pristupa potpisivanju ugovora o radu i potpisivanju ugovora o sufinansiranju, te svu dokumentaciju prosljeđuje kantonalnoj službi za zapošljavanje.
- Isplata sredstava u skladu sa brojem bodova, a prema utvrđenim kriterijima, obavlja se tek nakon što kantonalna služba za zapošljavanje i Zavod potpišu ugovore o sufinansiranju.
- Sredstva za poticaj zapošljavanja su ograničena i proporcionalno raspoređena po kantonima. Konačna rang lista se utvrđuje prema broju bodova koje je poslodavac ostvario i do ugovaranja planiranih sredstava.
- Poslodavcu se može odobriti sufinansiranje osoba sa evidencije nezaposlenih čiji broj ne prelazi 50% ukupno zaposlenih osoba u momentu podnošenja prijave.
- Svaka zloupotreba imaće posljedice na korištenje sredstava u programima poticaja zapošljavanja koje provode kantonalne službe i Zavod.
- U slučaju neispunjenja ugovornih obaveza a koje se odnose na isplaćivanje ugovorene bruto plaće i zadržavanja ugovorenog broja radnika, poslodavac će biti dužan platiti ugovornu kaznu u visini od 5% od ukupne vrijednosti isplaćenih sredstava, i to pojedinačno za svaku od neizvršenih obaveza, s tim da se ugovorne kazne kumuliraju.
- U slučaju neispunjenja ugovornih obaveza koje se odnose na trajanje ugovora o radu poslodavac će biti dužan platiti ugovornu kaznu u visini od 5% od ukupne vrijednosti isplaćenih sredstava i izvršiti povrat nominalnog iznosa isplaćenih sredstava po osnovu ovog kriterija.

POSTUPAK PRIJAVE

Upoznajte se sa odredbama **Programa**

http://www.fzzz.ba/Program_zaposljavanje_Prilika_za_sve.pdf

- Realno procijenite svoje mogućnosti učešća u Programu

Preliminarna rang lista se automatski sačinjava prema osnovnim kriterijima iz elektronskog zahtjeva – aplikativnog formulara: proizvodna i izvozna orijentiranost pravnog subjekta, (veći) broj osoba koje ćete zaposliti, period zapošljavanja, iznos bruto plaće - Tačka 4. Programa

- Odredite broj nezaposlenih osoba koje ste spremni zaposliti putem Programa
- Koristeći **kalkulator** <http://www.fzzz.ba/prilika-za-sve-kalkulator.html> izračunajte sredstva koja možete dobiti za svaku osobu koju želite zaposliti
- Donesite konačnu odluku
- Pažljivo ispunite **elektronski zahtjev – aplikativni formular za učešće u Programu** <http://www.fzzz.ba/prilika-za-sve.html>
- Pošaljite nam svoju prijavu elektronski i uporedo je odšampajte

PRIKAZ ELEKTRONSKOG ZAHTJEVA PRIJAVE

Elektronski zahtjev prijave se sastoji iz dva dijela, koji se odnose na podatke o poslovnom subjektu i podatke o osobama koje poslovni subjekt želi zaposliti.

a) Podaci o poslovnom subjektu

- Unesite sve tražene podatke o poslovnom subjektu
- Svaki izostavljen podatak onemogućava daljnje radnje
- Provjerite sve podatke koje ste unijeli i tek tada odaberite opciju „Snimite podatke“
- Kada odaberete opciju „Snimite podatke“, nemate mogućnost mijenjanja unesenih podataka
- U slučaju pogreške, zabilježite vrijeme kada ste poslali podatke i pozovite nas na telefonski broj: 033 562 900

Primjer

Zahtjev - aplikativni formular za učeće u Programu sufinansiranja zapošljavanja „Prilika za sve“

Podaci o poslovnom subjektu

Naziv poslovnog subjekta:	Prilika
Kanton:	Unsko-sanski kanton
Općina:	Bihać
Adresa:	Isaac Newton bb
Telefon:	037 222 222
Email:	newton@bb.com
Ovlaštena osoba:	Dorian Dorić
Primarna djelatnost:	Poljoprivreda, lov i šumarstvo
JIB poslovnog subjekta:	1212121212121
Izvozna orijentirana djelatnost:	DA
Proizvodna djelatnost:	DA
Broj trenutno zaposlenih:	10

Podaci o poslovnom subjektu su uspješno snimljeni!

Snimite podatke

Nakon što ste snimili podatke, unosite podatke o osobama koje želite zaposliti.

b) Podaci o osobama za koje se traži sufinansiranje zapošljavanja

Potrebno je da za svaku osobu izaberete: period zapošljavanja, visinu bruto plaće, kvalifikacije koje osoba treba da posjeduje, kanton u kojem će se zaposliti, te odaberite opciju „Dodajte zaposlenika“. Postupak ponavljate ako želite zaposliti više osoba različitih profila.

Primjer

Podaci o osobama za koje se traži sufinansiranje zapošljavanja

Period zapošljavanja	12 mjeseci	Dodajte zaposlenika
Visina bruto plaće (KM)	do 600	Obrišite sve zaposlenike
Kvalifikacija	bez kvalifikacije	Završite prijavu
Kanton zaposlenja osobe	Unsko-sanski kanton	

U slučaju pogreške, koristite opciju „Obrišite sve zaposlenike“, nakon čega ponavljate postupak.

Ukoliko želite zaposliti više osoba istog profila, označite polje „Više osoba istog profila“ i otvoriće Vam se prozor u koji upisujete broj osoba, nakon čega ćete dobiti konačnu listu.

Više osoba istog profila

2

Redni broj	Naziv poslovnog subjekta	Plaća	Nivo obrazovanja	Zadržavanje	Kanton
1	Prilika	do 600	VI, VII i VIII stepen/stupanj	12 mjeseci	Unsko-sanski kanton
2	Prilika	do 600	VI, VII i VIII stepen/stupanj	12 mjeseci	Unsko-sanski kanton

Kada ste još jednom provjerili svoj zahtjev idete na opciju „Završite prijavu“ i pojaviće Vam se sljedeći prozor:

Molim Vas odštampajte aplikativni formular da biste ga po pozivu kantonalnih službi za zapošljavanje mogli predati u štampanoj formi zajedno sa odgovarajućim potpisom i pečatom. Vrijeme kada je zaprimljen Vaš zahtjev je: 8/8/2012 3:58:47 PM

Štampaj

Birajte opciju „Štampaj“ i sačuvajte odštampani Zahtjev, jer ćete ga nakon odobrenja za učešće u Programu priložiti uz potrebnu dokumentaciju.

KALKULATOR

U zavisnosti od općih osobnih karakteristika, kao i vrste i broja otežavajućih faktora zapošljivosti / posebnih kriterija (**Tačka 5. Programa**) koje obilježite, biće Vam prikazana visina sredstava za sufinansiranje zapošljavanja. Za osobe sa većim brojem otežavajućih faktora zapošljivosti odobrava se veći iznos sredstava.

Primjer

KALKULATOR

poticajnih sredstava za sufinansiranje zapošljavanja

Osnovni iznos poticajnih mjera

Dob nezaposlene osobe

od 40 do 55 godina

Kvalifikacija

III i IV stepen/stupanj

Spol

Muško Žensko

Posebni kriteriji za uvećanje osnovnog iznosa

status dugoročne nezaposlenosti, najmanje 24 mjeseca provedeno na evidenciji nezaposlenih

Period zapošljavanja

18 mjeseci

status osobe sa invaliditetom

mentalna retardacija osobe koja je

status demobilisanog borca/razvojačenog branitelja

status člana šehidske porodice ili porodice poginulog borca

status mlade osobe bez radnog iskustva dobi do 30 godina

status pripadnosti romskoj nacionalnoj manjini

status člana domaćinstva/kućanstva u kojem ni jedan član nije zaposlen

status samohranog roditelja, staratelja, hranitelja

status roditelja djeteta sa posebnim potrebama

status žrtve nasilja: civilna žrtva rata, žrtva nasilja u porodici/obitelji i dr.

status liječenog ovisnika

status bivšeg štićenika doma za nezbrinutu djecu dobi do 30 godina

Ukupni obračun po osobi

3654 KM

Nakon što odaberete kriterije, pojaviće Vam se visina ukupnog obračuna po osobi.

Kalkulator možete koristiti više puta na način da odaberete opciju „Ponovite postupak za novi obračun“, a nakon unosa podataka dobićete pojedinačne i ukupni iznos sredstava za sve osobe koje namjeravate zaposliti.

Ponovite postupak za novi obračun


Izbrišite obračune za sve osobe

Osoba	Iznos
Osoba 1	3654 KM
Osoba 2	3300 KM

Ukupno: 6954 KM

Ako postupak želite pokrenuti ispočetka, koristite opciju „Izbrišite obračune za sve osobe“.

SLIJED POSTUPAKA NAKON PRIJAVE



Detaljno opisan postupak sa listom dokumentacije i propisanim uvjetima možete pronaći u Programu.

KONTAKT

Za sva dodatna pitanja možete nas kontaktirati putem e-maila ili telefona:



info@fzzz.ba



033 562 900